

The background of the entire page is a high-angle, aerial photograph of a tropical coastline. The image shows a long, narrow strip of land with a mix of green vegetation and rocky terrain, bordering a shallow, clear turquoise lagoon that transitions into deeper blue ocean waters. Several small white boats are visible in the lagoon. The sky is bright blue with scattered white clouds.

“NE’E AMI-NIA DIREITU”: PROTESAUN SOSIÁL NO JUSTISA IHA TIMOR-LESTE

KATE PRUCE, DAVID HUDSON, CLAIRE
MCCLOUGHLIN, MARIA DO CÉU J.O. GUSMÃO,
LETICIA BRANCHER, CAROLINA CARVOEIRAS
DO NASCIMENTO PIRES, RUI NORONHA,
DAVID NOANO XIMENES AND LEVILITO DA
RESSUREIÇÃO DAS NEVES BAPTISTA

JUÑU 2023



Programa Dezenvolvimentu Lideransa (DLP)
nu'udar peskiza kolaborasaun internasionál ida ne'ebé hetan apoiu husi Governu Australia.

DPL investiga papél importante ne'ebé hala'ó hosi líder, rede servisu no koligasaun sira ba atinji rezultadu dezenvolvimentu nian.

dlprog.org

dlp@contacts.bham.ac.uk

@DLProg

Developmental Leadership Program
International Development Department
College of Social Sciences
University of Birmingham
Birmingham, B15 2TT
United Kingdom

Foto Cover:

Tanushree Rao / unsplash

Tradusaun hosi: Maria do Céu J.O. Gusmão



Publikasaun ne'é hetan fundus hosi Governu Australia liu-hosi Department of Foreign Affairs and Trade. Perspetiva hirak ne'ebé fó sai iha publikasaun ne'é perspetiva autor nian mesak no laos perspetiva hosi Governu Australia, Programa Dezenvolvimentu Lideransa ka organizasaun parseria sira-nian.

REKOÑESIMENTU

Peskiza badak ida-ne'é iha kolaborasaun entre Kate Pruce, David Hudson no Claire Mcloughlin, ho asistente pekizadór ne'ebé fornese hosi Maria do Céu J.O. Gusmão, Leticia Brancher, Carolina Carvoeiras do Nascimento Pires, Rui Noronha, David Noano Ximenes no Levilito Da Ressureição Das Neves.

Projetu peskiza kona-ba '[Protesaun sosiál no persepsaun ba lejitimidade estadu iha Timor-Leste](#)' parte ida hosi Programa Dezenvolvimentu Lideransa, ne'ebé lidera hosi Universidade Birmingham no Universidade La Trobe no finansia hosi Department of Foreign Affairs and Trade (DFAT), governu Austrália [DLPGFA-A]. Peskiza ne'é independente no la refilete ba perspetiva DFAT nian.

Aprovasaun étika hosi Komisaun Revizaun Étika Universidade Birmingham nian liuhosi Siénsia Sosiál no Umanidade (ERN_22-0706).

Agradese ba revizór sira-ne'ebé fó ona komentáriu importante durante prosesu revizaun ba malu, no ba parseiru oioin iha Timor-Leste ne'ebé fó ona sira-nia hanoin durante apresentasaun no diskusaun ne'ebé hala'ó ona iha Maiu 2023, iha Dili.

Relatóriu ne'é traduz ona ba lian Tetun hosi Maria do Céu J. O. Gusmão no halo ona revizaun hosi Cesar Ferreira Amaral.

KONTEÚDU

Introdusaun	4
Antesedente	6
Sistema protesaun sosiál Timor-Leste nian	6
Asisténsia sosiál no konstrusaun estadu	7
Lian ne'ebé esklui ona	8
Kona-ba estudu	10
Rezultadu peskiza	12
Direitu no devér sira	12
'Iha retornu ruma...?	14
Ema kiak sira-ne'ebé merese?	16
Preferénsia Alokasaun	18
Justisa no Ekidade	20
Iha ne'ebé mak mudansa bele mosu?	21
Implikasaun	23
Oportunidade ba diálogu no debate nian	24
Referénsia	25
Aneksu 1: Kestionáriu Pre-test	28
Aneksu 2: Instrumentu ba esperimentu iha kampu	31

INTRODUSAUN

Timor-Leste sai ona estadu soberanu ida hafoin kampaña independénsia naruk ida ne'ebé liu tinan-20 kontra violasaun okupasaun Indonézia iha rai ne'e. Atu harii nasaun inklui ho justisa tranzisionál, identidade nasional no lejitimidade estadu, ho protesaun sosiál sai hanesan instrumentu importante ida hodi forma relasaun entre sidadaun no estadu. Governu Timor-Leste temi ona iha eskema nasional asisténsia sosiál nian hanesan pasu signifikante ida iha "konstrusaun sidadania, kombina ho devér no direitu sosiál sira" (Repúblika Demokrátika Timor-Leste, 2011, p. 14), kontribui ba pás sosiál no dezenvolvimentu ekonomia.

— REZULTADU XAVI

- Iha nivel motivasaun sosiál signifikante hodi tulun ema seluk ne'ebé haktuir ba norma no prátika lokál iha Timor-Leste.
- Kontribuisaun ba sosiedade konsidera hanesan asuntu sosiál no kolektivu, la'ós hakloot de'it ba ekonomia.
- Kontribuisaun veteranu nian ba Timor-Leste konsidera ba saida mak sira halo ona iha pasadu, durante luta ba ukun rasik an, maibé sira seluk ne'ebé simu osan hosi governu tenki kontribui ba dezenvolvimentu futuru rai ida-ne'e.
- Abilidade ba servisu la'ós determinante boot ba meresimentu, maibé nivel rendimentu individu ida nian mak hola papél.
- Foin-sa'e sira ho idade-30 mai kraik (definisaun foin-sa'e iha Política Nasionál Juventude Timor-Leste) fó priopidade kí'ik liu ba kategoria veteranu bainhira husu sira tenki prioritiza, duké ho sira-ne'ebé ho idade-30 ba leten, ne'e hatudu katak iha mudansa atitude entre jersaun foun sira.
- Iha preokupasaun kona-ba tratamentu ne'ebé la hanesan iha pagamentu governu nian, tanba diferença iha montante transferénsia ne'ebé hatuur ona iha eskema asisténsia sosiál oioin ne'ebé iha.

Transferénsia sosiál ba grupu oioin inklui veteranu sira, inan no inan isin-rua sira, katuas, ferik no ema ho difisiénsia sira – hirak ne'e bele akontese liuhosi rikusoin mina Timor-Leste nian. Iha 2019, orsamentu hosi protesaun sosiál nian sa'e to'o pursentu 64% mak aloka tiha ba pensaun veteranu nian (Banku Mundiál, 2022), tendénsia ne'ebé hamosu ona preokupasaun kona-ba interjerasional ne'ebé laiha ekidade (Doraisami, 2018). Sustentabilidade hosi pagamentu governu nian ne'e sei iha dúvida nia laran tanba reseita mina-rai hotu no fundu petrolíferu tun (Banku Mundiál, 2022).

Agora nu'udar momentu krusiál liu atu loke diskusaun kona-ba alokasaun assisténsia sosiál nian hodi evita senáriu ida monu ba rai-kuak ho hapara pagamentu derrepenti tanba falta fundus, ne'ebé bele fó ameasa ba estabilidade política. Ho situaun refere mak artigu ne'e konsidera nu'udar possibilidade ida hodi halo ajustamentu política ho pergunta peskiza nian hanesan tuir mai:

Oinsá narasaun governu nian no mós persepsaun sidadaun sira-nian ba alokasaun assisténsia sosiál iha Timor-Leste, no nia implikasaun saida de'it ba legitimidade estadu ne'ebé frajil ho situaun foin sai hosi konflitu?

Dezeña dados ho métodu-kahur, dokumentu ida-ne'e konsidera oinsá persepsaun kona-ba justisa no meresimentu ida ne'ebé bele forma possibilidade ba protesaun sosiál iha kontestu ne'ebé tuir política nian apoiu ba veteranu sira ne'e metin no labele muda ka hasai. Ideia ne'ebé metin tebes significa mudansa ba política ruma sei presiza enkuadra tuir kritéria morál no valór ne'ebé iha, duké dezafia tomak sira. Dokumentu ne'e mós konsidera implikasaun ba legitimidade estadu iha nasaun ne'e entre kaer ba abut krize estabilidade ne'ebé naruk iha luta independénsia nian no krize fiskál ida ne'ebé boot liu.

© UN / Flickr



ANTESEDENTE

SISTEMA PROTESAUN SOSIÁL TIMOR-LESTE NIAN

Timor-Leste nia planu estratéjia nasional Protessaun Sosiál 2021-2030 define protessaun sosiál hanesan “konjuntu ida hosi política pública ho objetivu prinsipál proteje povu, inklui sira-ne’ebé kí’ak no kbiit-laek liu hodi asegura padraun mínimu moris-dí’ak nian” (Repúblika Demokrátika Timor-Leste, 2021: 23), no to’o ohin loron Timor-Leste iha ona programa no medida asisténsia sosiál

nian ruanulu-resin-neen (26). Dezde 2008 governu Timor-Leste fornese ona asisténsia sosiál ho nivel ida aas ba nia povu sira no iha 2017 introdús ona Eskema Kontributivu Jerál Seguransa Sosiál nian, hodi fó protessaun ba traballadór sira iha setór públiku no privadu.

Governu Timor-Leste nia despeza ba protessaun sosiál aas kompara ho nasaun seluk iha Rejiaun Ázia Pasífiku nia laran, no tuir padraun

KAIXA 1

Subsidiu ne’ebé apoiu ba idozu no ema ho difisiénsia sira: Transferénsia la’ós kontributivu hosi USD50 kada fulan, tarjetu ba populasaun rua: (i) sidadaun sira ho idade neen-nulu (60) ka liu no (ii) sidadaun sira ho idade sanulu-resin-ualu (18) ka liu, sira-ne’ebé labele servisu tanba ho difisiénsia. Programa ne’e ho objetivu hodi asegura rendimentu mínimu ba sidadaun sira ne’ebé pagamentu la kobre ba idozu no difisiente sira seluk.

Bolsa da Mãe no Bolsa da Mãe-Jerasaun Foun: Antes ne’e transferénsia osan ba família vulneravel no kí’ak ho labarik sira iha nia kitéria, planu Bolsa de Mãe hadi’ak ona hodi to’o ba inan isin-rua no labarik kí’ik sira. Eskema Bolsa da Mãe Jerasaun Foun iha komponente rua: (i) benefisiáriu isin-rua nian USD15 kada fulan (durante isin-rua) no (ii) benefisiáriu ba labarik (idade 0-6), ho ema ne’ebé tau matan simu USD20 kada fulan ba kada labarik ne’ebé elejivel. Karik autoridade saúde sira avalia mak labarik ne’e difisiente, sei fó aumenta tan USD10 kada fulan.

Pensaun veteranu: Pagamentu veteranu nian montante hosi USD230 no USD750 kada fulan, depende ba sira-nia grau. Benefisiu hirak ne’e iha kategoria haat: (i) pagamentu dala ida de’it ba grau 4-7 anos ne’ebé dedika-an tomak hodi serbí ba rezisténsia; (ii) pensaun moris tomak ba jerasaun hosi martír sira-ne’ebé hetan oho durante luta; (iii) pensaun moris tomak ba grau 8-14 anos serbí ba rezisténsia; (iv) pensaun moris tomak ba grau 15-24 anos serbí ba rezisténsia aumenta ho montate boot liu ba ‘figura importante sira’.

internasionál. Maski nune'e, tinan hirak ikus ne'e despeza menus ona hosi pursentu 15% mai hosi Produitu Internu Brutu (PIB) la'ós petróleu nian iha 2009, no orsamentu ba protesaun sosiál sa'e to'o pursentu 64% mak aloka tiha ba programa Pensaun Veteranu nian iha 2019 (Banku Mundiál, 2022). Timor-Leste nia eskema

prinsipál hosi assisténsia sosiál nian (haree iha kaixa 1, 2 no 3) ne'ebé mak introdús ona hafoin krize sivil iha 2006 ne'ebé hamosu dezlokasaun interna maka'as no krize umanitária. Ida-ne'e hatudu katak governu iha objetivu hodi fó assisténsia ne'ebé vizivel ba sidadaun sira hodi promove estabilidade iha rai-laran (DFAT, 2015).

ASISTÉNSIA SOSIÁL NO KONSTRUSAUN ESTADU

Lejitimidade estado – defini iha ne'e nu'udar aseitasaun públiku nian liga ho sistema hosi regra no espetativa ne'ebé sai baze ba governu nia asaun (Migdal, 2001) – ida-ne'e nu'udar komponente prinsipál ida hosi konstrusaun estado. Enkuantu prestasaun servisu públiku nian identifika jerál ona nu'udar fonte ida hosi lejitimidade estado, liuliu iha situasaun frajil no afetadu hosi konfliktu (Carpenter, Slater, and Mallet 2012; OECD, 2011), relasaun entre prestasaun servisu no lejitimidade ne'e la'ós lineár (McLoughlin, 2015a). Prestasaun servisu bele hafraku nune'e mós bele tulun lejitimidade estado nian, depende ba persepsaun lokál nian kona-ba justisa (McLoughlin, 2015b) hanesan van Oorschot (2000) nia kritéria lima ba sira-ne'ebé merese hetan governu ninia tulun liuhosi programa protesaun sosiál. Maski nune'e, dadaun ne'e evidénsia empíriku limitadu tebes liga ho efeitu hosi protesaun sosiál ba koezaun sosiál no relasaun entre estado ho sidadaun ho forma ne'ebé ampla/luan liu (Burchi et al., 2021; Idris, 2017).

Aspetu sentrá hosi esforsu ne'ebé halo ona hodi harii estado iha nasaun ida liuhosi prosesu justisa tranzitória no reparasaun sosiál ne'ebé lidera hosi *Comissão de Acolhimento, Verdade e Reconciliação* (CAVR) – ho mandatu ida atu investiga sira-ne'ebé mak komete violasaun direitu umanu durante okupasaun. Tuir istória buat ne'ebé hatudu ona iha prosesu sira, iha ona tendénsia ba valoriza veteranu sira nu'udar “símbolu forsa nian, mane forte no aten-barani” (Rothschild,

2017, p. 459). Aproximasaun ida-ne'e la sura feto sira-nia partisipasaun iha luta ukun rasik an no rekonstrusaun dame, no mós (feto barak) sobrevivente sira hosi konfliktu ne'e. (Christalis no Scott, 2005; Rothschild, 2017).

Kent no Kinsella (2014) argumenta katak eskema veteranu nian “sai ona pilár importante ida ba konstrusaun estado...determina estatutu ekonomia, política no sosiál Timor-Leste nian iha ohin loron” (p. 476). Molok loron veteranu nian iha 2023, Ministru ba Asuntu Luta ba Libertasaun Nasionál husu ba Timoroan sira, liuliu jersaun foun sira atu “valoriza no respeito ita-nia veteranu sira-ne'ebé tau ona sira-nia moris iha risku hodi luta ba [sic] independénsia rai ida-ne'e”.¹ Veteranu sira kontinua tau sira-nia estatutu aas bazeia ba sira-nia kontribuisaun luta ba rai ida-ne'e nia ukun rasik an; maski nune'e, sira-nia tratamentu espesial mak dadaun ne'e iha, fó vantajen interjerasional ba sira-nia beioan sira, ho kustu hanesan hosi interjerasional iha populasan tomak (Doraisami, 2018). Ezemplu, governu nia Planu Estratéjia 2011-2030 promete “programa alokasaun bolsa estudu ba oan hosi Martír sira no Kombatente Libertasaun Nasionál kobre edukasaun to'o nivel hotu, hosi es báziku to'o universidade” (República Demokrátika Timor-Leste, 2011: 50).

Definisaun veteranu iha ligasaun forte ho identidade nasional no parte ida hosi narasaun katak valoriza veteranu sira hanesan erói sira, maibé atensaun uito'an de'it mak fó ba

1 [Timor-Leste's veterans deserve honor and respect - TATOLI Agência Noticiosa de Timor-Leste](#)

“vitima sira” hosi violénsia – ezemplu “Estadu Timór seidauk harii fatin memoriál ruma ne’ebé spesiál ba sobrevivente sira, hanesan dadaun ne’e iha ba de’it veteranu sira iha postu administrativu 65 tomak” (Rothschild, 2017, p. 451). Infelizmente, definisaun legál ka jurídika kona-ba veteranu ne’ebé interpreta filafali hosi burokrata nivel baze kona-ba kriteña elijibilidade hamosu perspetiva ne’ebé la kompletu kona-ba movimentu rezisténsia.

Períodu servisu tempu tomak iha organizasaun rezisténsia ida mak determina elijibilidade no nivel benefísiu nian ba veteranu sira. Hanesan Roll (2018) esplika, “rekoñese ba de’it sira-ne’ebé dedika an tomak tinan-hitu liu mak elijivel ba pagamentu fulan-fulan, no ba de’it

LIAN NE’EBÉ ESKLUI ONA

Bele dada paralelu entre fetu no foin-sa’e sira-nia situasaun ne’ebé esklui ona iha Timor-Leste, rekoñese katak buat hirak ne’e bele satan tiha kategoria oioin kona-ba identidade – tanba dalabarak iha nivel foti desizaun sira-nia lian la konsidera. Maski grupu hirak ne’e iha representasaun formál iha instituisaun sira, inklui kuota ba fetu sira iha parlamentu nasionál no mandatu foin-sa’e sira iha konsellu suku nian, iha prátika, dala barak sira-nia hanoin ema la konsidera (Niner et al., 2021; ten Brinke, 2018). Valór hosi Katóliku Konservativu kombina ho kultura maskulinidade militar nian no lei tradisionál ne’ebé hatuur mane no katuas sira iha fatin ne’ebé iha podér no respeito nian, buat hotu serbí tomak ba estrutura patriarkál no ierarkia (Niner, 2016). Identidade pertinente tebes hodi forma oportunidade lideransa iha kontestu Timór nian.

Foin-sa’e sira iha Timor-Leste hasoru problema adisionál ida – senáriu ida hateten foin-sa’e sira mak ameasa ida ba estabilidade no dezvoltamentu iha Timor-Leste, ideia ne’e mosu, liuliu hosi krize 2006 (Distler, 2017).

sira ne’ebé dedika an tomak tinan-haat liu mak elejivel ba pagamentu dala-ida de’it – padraun ida aas” (p. 268). Rezultadu mak ne’e, iha grupu minoria hosi veteranu sira-ne’ebé serbí kleur, nivel aas no iha ligasaun díak ho polítiku sira mak prioridade ba estadu atu fó assisténsia. Grupú seluk ne’ebé mak kontribui ona luta ba independénsia ne’e – inklui fetu no Frente Klandestina – sira esklui tiha. Liu hosi la rekoñese papél importante fetu nian iha luta ba independénsia ne’e, eskema veteranu nian lakon hela oportunidade díak hodi hadíak fetu sira-nia estatutu iha sosiedade Timoroan nian (Kent no Kinsella, 2014) no nia impaktu mak halo boot liután dezigualdade jenéru no interjerasional.

Envolvimentu foin-sa’e nian iha movimentu klandestina foku sira-nia servisu ba iha militar (Bexley no Tchailoro, 2013) – persepsaun ida ne’ebé kontinua to’o ohin lora. Iha tempu hanesan, númeru boot liu iha Timor-Leste mak foin-sa’e no sira mak membru grupu foin-sa’e ne’ebé estabelese ona, inklui grupu arte marsial sira-ne’ebé mak sai tiha sentru ba baku malu iha dalan-ninin nian, estimasaun halo ona katak minoria – entre pursentu 10-25% – ne’ebé mak involve ona iha violénsia durante período krize refere (Arnold, 2009). Maski nune’e, esteréotipu hirak ne’e limita ona oportunidade ba foin-sa’e sira atu iha influénsia pozitivu.

Tuir sensus populasaun umakain 2015, populasaun besik pursentu 74% mak iha tinan-35 mai kraik (Direasaun Jerál Estatística, 2015), nune’e foin-sa’e sira sai hanesan demografia importante no númeru dezempregu foin-sa’e nian aas sai nafatin asuntu importante iha kampaña eleisaun 2023.² Maski representa ona grupu votante boot liu iha Timor-Leste, lei normal define sira-nia direitu no devér ne’ebé iha relasaun

2 [Timor-Leste’s once-in-a-generation election • Inside Story](#)

ho ema-boot sira-ne'ebé iha pozisaun ida ho podér no respeito. Ten Brinke (2018) deskreve ona foin-sa'e Timoroan sira nu'udar "sidadaun hodi hein" (p.892), kaer esperansa ne'ebé la hanesan ho obediénsia no partisipasaun, no prepara ba futuru duké dezafia pozisaun atuál autoridade nian ne'ebé proteze hosi jerasaun tuan sira.

Introdusaun eskema hosi transferénsia osan nian ho objetivu hodi promove estabilidade hafoin krize 2006, maibé Wallis (2013) argumenta katak pagamentu hirak ne'e bele estraga liutan divizaun sosiál liuhosi kompetisaun hodi sai na'in ba identidade nasionál Timór nian. Liuhosi identifika grupu ne'ebé loos, planu hirak ne'e sei fó asesu ba sidadaun balun tantu kapitál finanseira eh simbóliku maibé mós esklui balun seluk.

Aleinde eskema veteranu nian, programa asisténsia sosiál seluk inklui pagamentu apoiu ba ferik-katuas, no ema ho difisiénsia sira, nune'e mós Bolsa da Mãe ba labarik sira iha umakain hirak ne'ebé vulneravel. Infelizmente, orsamentu ba programa hirak ne'e nafatin kí'ik liu duké pagamentu ba veteranu nian. Ezemplu, iha 2015 total orsamentu ba Bolsa da Mãe iha miliaun USD35, kompara ho orsamentu ba veteranu nian iha miliaun USD120, maski veteranu iha de'it pursentu 2.6% hosi total populasaun Timor-Leste nian no Bolsa da Mãe kobre pursentu 25% hosi populasaun labarik iha nasaun ne'e (Lann, 2020).

Sei iha mós problema boot kona-ba kobertura ba umakain ne'ebé vulneravel liu, no efektu ba redusaun kiak hosi eskema hirak ne'e la signifikante. Timor-Leste nasaun ida hosi nasaun tolu iha Indo-Pasífiku ne'ebé klasifika nu'udar 'severely off-track' atu atinji Objetivu Dezenvolvimentu Sustentável (ODS),³ hamosu dúvida kona-ba fornimentu protesaun sosiál nian ne'e responde ezijénsia no nesesidade entre sidadaun sira-nian ka lae.

Timor-Leste sai hanesan nasaun ne'ebé dí'ak iha rejiaun ne'e liga ho nivel despeza iha pagamentu transferénsia ba sidadaun sira. Nasaun ne'e gasta osan pursentu 6.5% hosi PIB ba rede seguransa sosiál, ekuantu média iha rejiaun Aziátiku Leste no Pasífiku nian iha pursentu 1% de'it hosi PIB (Banku Mundiál, 2018). Maski nune'e, fundus ne'ebé uza dadaun ne'e iha hela ameasa bainhira Fundu Petrolíferu tun. Iha tempu hanesan, iha mós rendimentu ba futuru nian hosi mina Greater Sunrise no kampu gás nian, implikasaun ba Fundu Petrolíferu seidak klaru. Poténsia ida-ne'e 'fiscal cliff' bele sai hanesan fonte instabilidade iha futuru. Dokumentu ida-ne'e kontribui hodi komprende persepsaun kona-ba justisa iha identifikasaun alvu no montante transferénsia entre sidadaun sira, ho objetivu atu fó pontu entrada ida hodi hatán ba sustentabilidade hosi pagamentu hirak ne'e.

Timor-Leste sai nu'udar parte pozitivu iha rejiaun ne'e kona-ba nivel despeza ba pagamentu transferénsia ba sidadaun sira

3 [Timor-Leste country brief | Australian Government Department of Foreign Affairs and Trade \(dfat.gov.au\)](https://dfat.gov.au)

KONA-BA ESTUDU

Peskiza ne'e uza aprosimasaun metodu rua 'kahur' ne'ebé inovativu. Kombina mós 'lab-in-the-field' ou esperimentu artefaktual iha kampu (Harrison no List, 2004) hodi hatudu preferensia alokasaun nian, ho foku diskusaun grupu (FDG) hodi hetan informasaun kualitativu hosi sira-nia hanoin no mekanizmu ne'ebé sita ona iha preferensia alokasaun nian, nune'e mós identifika perspetiva ruma ba hadi'ak politika.

Fatin peskiza nian tolu ne'ebé hili ona hodi hetan variasaun pontensial bazeia ba karateristika rejional no jeografia nian:

- Dili – urbana, sentru
- Bobonaro (Maliana) – peri-urbana, oeste
- Baucau (Laga) – rural, leste

Workshop 14 hala'o ona iha fatin tolu refere, ho partisipante iha grupu hosi na'in-11 to'o 40. Bainhira iha grupu ne'ebé ho partisipante barak liu 25, ami fahe tiha sira ba grupu rua hodi halo FDG. Maski planu inisiu ne'e limita grupu nia medida ho partisipante masimu na'in-10 to'o

15, ida-ne'e la posivel ho situasaun oioin liga ho udan no anin-boot ne'ebé akontese beibeik iha lorokraik. Nune'e, duké hala'o workshop iha dadersán no lorokraik hanesan planu ona, ami hala'o workshop boot ida de'it iha dadersán, hodi fó tempu ba partisipante sira fila bá uma ho seguru molok udan no anin-boot mai.

Pergunta pre-test administra ona hodi rekolla dadus demografia, nune'e mós partisipante sira-nia resposta ba pergunta balun liga ho valór no hahalok (haree iha Aneksu 1). Amostrajen mak N = 284, haree iha Figura 1 kona-ba distribuisaun idade ne'ebé ho idade hosi 18-89 anos ho idade média mak 42.6 anos. Respondente pursentu 31.9% mak idade 30 ka 30 mai kraik ne'ebé hanesan definisaun juventude nian iha Política Nasionál Juventude Timor-Leste. Respondente feto iha pursentu 58.5%, maibé mane iha pursentu 41.5%. Pursentu 14.5% hosi respondente sira mak veteranu, no iha pursentu 34% identifika nu'udar jersaun veteranu nian – define katak iha relasaun ruma ho veteranu, liuliu sira-

FIGURA 1: MAPA FATIN PESKIZA IHA TIMOR-LESTE




nia jersaun rasik ezemplu oan no beioan. Respondente pursentu 33% hateten sira iha difikuldade ba haree, rona, ko'alia no la'ó.

Selesaun partisipante sira la'ós ho objetivu atu reprezenta nivel nasonal, maibe atu garante katak iha lian oioin mak tama ona. Ne'e inklui feto no mane sira; grupu idade boot no ki'ik sira; veteranu no la'ós veteranu sira; jersaun veteranu nian; no ema ho difisiensia sira. Respondente ema ho difisiensia sira (33%) nia proporsaun relativamente aas kompara ho média nasonal (pursentu 6.5% tuir Sensus Populasaun no Umakain 2015 nian) tanba halo selesaun ho objetivu. Difisiente, sira deklarara rasik iha pergunta pre-test duké uza pergunta Washington Group hodi sukat.

Esperimentu artefaktuál iha kampu (Harrison no List, 2004) konsiste hosi alokasaun ronde haat, iha ne'ebé respondente sira simu ona kartaun ki'ikoan lahanesan ne'ebé reprezenta osan no husu atu aloka ba grupu benefisiáriu sira (haree iha Aneksu 2). Grupu benefisiáriu sira hanesan de'it iha ronde haat nia laran, maibe montante hosi kartaun ki'ikoan no instrusaun sira-ne'e la hanesan iha ronde ida-idak. Dokumentu ida-ne'e foka liu ba rezultadu hosi ronde dahuluk no daruak:

- **Ronde dahuluk:** Aloka kartaun ki'ikoan 20 - valór kartaun ida-idak hanesan ho montante USD20 (total iha USD400) bazeia ba montante hosi assistensia governu nian (karik iha) ita hanoin umakain ida-idak tenke simu fulan-fulan, karik umakain hotu-hotu iha nivel kiak ne'ebé hanesan.
- **Ronde daruak:** Aloka kartaun ki'ikoan lima ho montante osan diferente, entre USD200 no USD20 (total iha USD400 nafatin) bazeia ba montante hosi assistensia governu nian (karik iha) ita-boot hanoin umakain ida-idak tenke simu fulan-fulan, karik umakain hotu-hotu iha nivel kiak hanesan. Ida-ne'e ezije respondente sira atu fó prioridade liután tanba sira iha kartaun uito'an de'it.

Hafoin alokasaun ronde rua, grupu respondente ne'ebé hanesan partisipa iha foku diskusaun grupu ne'ebé ho objetivu atu hetan resposta kualitativa kona-ba tópiku hanesan justisa ba eskema assistensia sosial hirak ne'ebé eziste, kualkér mudansa mak respondente sira hakarak haree - liuliu relasiona ho grupu alvu no montante transferensia sira, nune'e mós utilizasaun osan sira-ne'e no karik benefisiáriu sira iha dever atu halo buat ruma hodi fó retornu ba assistensia sosial.



REZULTADU PESKIZA

DIREITU NO DEVÉR SIRA

Timor-Leste nia Estratéjia Nasionál ba Protesaun Sosiál 2021-2030 ko'alia liu kona-ba papél protesaun sosiál iha konstrusaun sidadaun no envolve ho direitu no devér sidadaun sira-nian.

Estudu ida-ne'e deskobre dezafiu bazeia ba direitu balun hosi sistema protesaun sosiál ne'ebé eziste liuliu hosi grupu hirak ne'ebé marjinál no esklui ona. Respondente balun ne'ebé moris ho defisiénsia konkorda katak sidadaun hotu-hotu tenke asesu ba sira-nia direitu tomak, maibé sira mós subliña katak dadaun ne'e la akontese:

"Programa ida-ne'e tenke muda... atu ema hotu bele hetan sira-nia direitu, tanba ho sistema hanesan ne'e la bele serbí ema hotu iha Timor tomak, ema balu de'it mak iha asesu ba sira-nia direitu."

(FGD 2, Dili, Novembru 2022)

"Sosiedade sivil mós iha papél importante atu halo advokasia iha dalan barak atu nune'e parte hotu bele hetan direitu hanesan, tanba iha momentu ida-ne'e governu la justu ba povu."

(FGD 2, Dili, Novembru 2022)

Estatutu veteranu nian no sira-nia direitu hodi hetan asisténsia governu nian loloos ne'e sai ideia ne'ebé kuda metin ona iha sosiedade Timór nian. Respondente barak - liuliu ferik-katuas sira iha área rural - aseita fó prioridade ba direitu veteranu nian no jersaun veteranu sira, maski sira la luta:

"Povu sira-ne'ebé luta ba rai ida-ne'e iha direitu ne'ebé fó husi governu ba sira."

(FGD 6, Maliana, Novembru 2022)

"Sira luta hela atu hetan independénsia no sira-nia oan iha direitu atu simu sira-nia aman nia osan... nune'e sira-nia eskola no moris garantia duni."

(FGD 4, Maliana, Novembru 2022)

"Ha'u hanoin karik veteranu sira mate ona, sira-nia jersaun tenke kontinua simu apoiu tanba sira iha direitu tuir lei."

(FGD 3a, Laga, Novembru 2022)

"Ami hanoin katak jersaun [veteranu] sira presiza kontinua simu apoiu tanba sira-nia inan-aman luta ona ba nasaun ne'e, sira-nia oan sira tenke simu osan to'o sira-nia beioan sira no tuir mai... governu labele hapara apoiu ne'e [ba veteranu sira]"

(FGD 1a, Laga, Novembru 2022)

Balu husu, karik “veteranu sira iha direitu espesial no diferente hosi ema seluk” (FGD 2, Dili, Novembru 2022) persepsaun ne’e bazeia ba benefisiu boot ne’ebé veteranu sira no sira-nia familia simu hosi governu.

Diskusaun foin-sa’e sira-nian hamosu hanoin ne’ebé diferente ba persepsaun sira-nian kona-ba eskema veteranu sira-nian. Sira argumenta katak pagamentu veteranu sira-nian hanesan:

“Simbolu valorizasaun ba [veteranu sira], maibe ita tenke konkorda katak ida-ne’e la permite hodi [apoiu] nafatin sira iha kada governu... Veteranu sira hetan benefisiu barak... no [sira-nia oan sira] mos ba eskola iha rai-liur tanba sira hetan privilejju espesial... Tan ne’e, ha’u hanoin la importante atu investe osan ba sira, tanbasá la fó ba inan isin-rua, labarik no ema ho defisiensia sira? Ita-nia politiku sira sempre dehan grupu sira-ne’e mos nu’udar nasaun nia jersaun tuirmai.”

(FGD 1, Dili, Novembru 2022)

Xefe suku ida keixa katak “ita-nia joven sira kritika hodi husu tanba sá mak governu la bele fó de’it subsidiu ba ferik-katuas sira, ema ho defisiensia sira, veteranu sira no ferik-katuas sira, tanbasá mak ami foin-sa’e sira labele hetan subsidiu?” (Entrevista, xefe suku Maliana, Novembru 2022). Maibe, foin-sa’e ne’ebé ami konversa iha estudu ne’e konsidera ka aseita justisa ba grupu sira seluk duké husu ajuda ba sira-nia an rasik.

Resposta hirak-ne’e hatudu katak iha pergunta importante sira atu husu kona-ba redistribuisaun fundu governu nian ba grupu oioin iha sosiedade no baze hosi alokasaun hirak-ne’e, foka liu ba redusaun kiak iha Estratéjia Protesaun Sosiál Timor-Leste nian. Sesaun tuirmai sei kontinua explora interasaun entre direitu no devér sira iha kontestu Timor-Leste nian.

© Yuichi Ishida / UNDP Climate / Flickr



'IHA RETORNU RUMA...?

Atu deskobre persepsaun kona-ba relasaun entre direitu no devér nian, ami husu ona respondente sira kona-ba valór no atitude hodi buka-hatene sira-nia hanoin jerál kona-ba nesesidade, asisténsia no responsabilidade, no mós husu direktamente kona-ba eskema asisténsia sosiál governu nian.

Hatán ba deklarasaun 'Karik ha'ú halo buat ruma ba ema seluk, ha'ú hakarak hetan fali buat ruma ka retornu', respondente besik maioria (49%) la konkorda ka la konkorda tebes, enkuantu 34.5% konkorda tebes (Figura 2).


Rezultadu ida-ne'e hatudu motivasaun sosiál atu ajuda ema seluk iha nivel ida signifikante duké buat ne'ebé fó benefisiu direta ba an rasik. Ida-ne'e haktuir duni ho norma no prátika lokál sira hodi apoiu ema seluk iha comunidade laran no liu-tán ne'e bainhira sira presiza. Van Oorschot (2000) identifika ajuda malu hanesan kritéria ida hosi kritéria lima kona-ba merese, ne'ebé define hanesan "grau ajuda malu hosi ema kiak sira; ka hetan apoiu ruma" (p. 36). Ida-ne'e iha ligasaun ho tendénsia ema nian atu valoriza ajuda malu iha relasaun sosiál hodi fó no simu. Norma ida ajuda malu ne'e iha tendénsia atu sujere apoiu maka'as liu ba ferik-katuas sira ne'ebé kontribui ona ba sociedade durante sira-nia idade foin-sa'e. Ida-ne'e mós bele sai hanesan fatór ida ba apoiu veteranu sira-nian, ne'ebé halo ona sira-

nian kontribuisaun iha luta ba ukun rasik an rai ne'e nian.

Iha FDG sira, ami husu 'ema tenke halo buat ruma ka retornu hodi simu transferénsia governu nian?'. Hosi maioria iha esperansa katak benefisiáriu sira tenki uza osan ho objetivu loloos. Ezemplu, sira-ne'ebé simu Bolsa da Mãe tenke "iha responsabilidade ba osan ne'ebé governu fó atu sosa sasán no hahán nutritivu ba labarik sira" (FGD 1, Maliana, Novembru 2022) no "iha responsabilidade atu fó apoiu ba ita-nia oan sira atu bá eskola no sosa pasta, sapatu, livru no sasán sira seluk eskola nian ba sira" (FGD 3, Maliana, Novembru 2022). Maski programa ne'e dezeña fila-fali laiha kritéria, resposta sira-ne'e hatudu kondisionalidade de faktu ida ne'ebé iha espetativa katak transferénsia ne'e orienta ona ba investimentu iha dezvoltamentu labarik nian.

Respondente sira-ne'ebé simu pagamentu apoiu ba defisiénsia sira fiar katak "karik ami simu osan hosi asisténsia sosiál nian, ami tenke halo atividade balun, la'ós de'it ba bosok ema, no depois Maromak kastigu ita" (FGD 7, Maliana, Novembru 2022) no "ha'ú-nia obrigasaun mak atu ajuda ha'ú-nia maluk ho defisiénsia sira seluk iha área rural" (FGD 2, Dili, Novembru 2022). Espetativa sira seluk inklui kontribuisaun jerál ba "deztvolvimentu nasaun ida-ne'e nian, liuliu sira tenke hatudu interese no suporta programa suku sira" (FGD 1, Maliana, Novembru 2022).

FIGURA 3: REZULTADU DEKLARASAUN NIAN 'KARIK HA'U HALO BUAT RUMA BA EMA SELUK, HA'U HAKARAK HETAN FALI RETORNU RUMA'



Fieldwork: Timor-Leste (Dili, Bobonaro (Maliana), Baucau (Laga)), October–November 2022) Amostra hosi 282

Grupu foin-sa'e sira – sira-ne'ebé maioria laiha direitu hetan transferénsia governu nian – kona-ba utilizasaun osan, sira iha hanoin hanesan ho comunidade sira iha rurál ne'ebé iha esperiéncia direta ho hetan assisténsia sosiál:

“Iha ne'e fó ba inan isin-rua sira no sira-nia devér mak atu tau matan ba sira-nia bebé iha kabun laran ka sira-ne'ebé iha oan ona, atu sosa ai-han nutritivu ba sira-nia oan atu nune'e sira bele iha saúde dí'ak no mós ba ema ho defisiénsia sira atu jere osan ba sira-nia nesiedade saúde no sasán ne'ebé sira presiza.”

(FGD 1, Dili, 22 Novembru 2022)

Iha parte seluk, rekoñese veteranu sira-nia kontribuisaun halo ona iha tempu uluk, durante luta ba independénsia, nune'e sira-nia direitu ba assisténsia ne'e lalika dúvida:

“Keta husu saida mak veteranu sira tenke halo ba nasaun ne'e hafoin sira hetan sira-nia direitu, sira kontribui ona iha tempu uluk to'o ita hetan ita-nia independénsia, ami simu ida-ne'e tanba ne'e ami-nia direitu.”

(FGD 1a, Laga, Novembru 2022)

Veteranu sira la presiza hein katak 'halo buat ruma hanesan retornu' hosi sira-nia pagamentu, tanba sira halo ona sira-nia parte. Iha FGD ida hamosu kritika ida ba veteranu balu *“ne'ebé impede progresu dezvoltamentu iha ita-nia nasaun”* (FGD 3, Maliana, Novembru 2022) no husu ba veteranu sira atu *“investe sira-nia osan iha negósiu duké gasta ba karreta no motór sira”* (Ibid) maibé, ida-ne'e la'ós rezultadu komúm ida iha foku diskusaun grupu nian laran, tanba ne'e labele jeneraliza iha estudu ida-ne'e.

Rezultadu hirak-ne'e kontribui ba ita-nia komprensaun kona-ba interasaun entre direitu no devér sira iha kontestu protesaun sosiál Timor-Leste nian. Iha sentidu jerál, vontade ba tulun ema seluk laho esperansa atu hetan fali buat ruma hatudu motivasaun sosiál ida maka'as hodi fó assisténsia iha sosiedade Timór.

Kontribuisaun ba sosiedade konsidera hanesan sosiál no kolektivu, la'ós hakloot de'it ba ekonomia, ho obrigasaun no responsabilidade sira-ne'ebé foka liu ba investimentu iha labarik sira, suporta ema ho defisiénsia sira no kontribui ba dezvoltamentu nasaun nian. Ema konsidera katak veteranu sira halo ona sira-nia kontribuisaun ba nasaun iha tempu uluk durante luta independénsia, enkuantu benifisiáriu hosi eskema assisténsia sosiál seluk espera sei kontribui ba futuru nasaun nian.

Kontribuisaun ba sosiedade konsidera hanesan asunto sosiál no kolektivu, la'ós hakloot de'it ba ekonomia

EMA KIAK SIRA-NE'EBÉ MERESE?

Kritériu lima seluk husi Van Oorschot (2000) nian kona-ba merese mak kontrola, ne'ebé define hanesan "kontrola ema nian ba sira-nia nesesidade, ka sira-nia responsabilidade ba ida-ne'e" (p. 36). Kritériu ida-ne'e tendénsia iha relasaun besik ho servisu no abilidade atu servisu, hanesan meu ida atu determina karik ema ne'e bele responsabiliza (no iha kazu balu fó kulpa) ba sira-nia nesesidade ka kondisaun kiak. Iha van Oorschot nia estudu, públiku iha Olanda laran-luak tebes ba sira-ne'ebé labele servisu (grupu ida-ne'e iha média 7.6 ba eskala 1 to'o 10), no lakohi rona ka nonok ba sira-ne'ebé la iha vontade atu servisu (ho pontu média 2.3 de'it).

Ami inklui deklarasaun tuir mai iha pre-kestionáriu atu explora atitude sira kona-ba relasaun entre servisu no assisténsia sosiál: 'Karik ema bele servisu, entaun sira la presiza hetan ajuda'. Respondente hamutuk 41.6% mak konkorda ka konkorda tebes ho deklarasaun ida-ne'e, enkuantu respondente 1/5 hosi (20.2%) la konkorda ka la konkorda tebes (Figura 3).

Iha kontestu Timor-Leste, relasaun entre assisténsia sosiál no servisu ne'e iha oioin uito'an, no ami explora ona ida-ne'e iha FGD sira. Persentajen hosi respondente sira-ne'ebé la konkorda ho deklarasaun ne'e hatudu katak

iha nivel konsiderasaun ba umakain ida sei presiza nafatin maski membru balun bele servisu, liuliu karik iha númeru dependente ne'ebé barak iha umakain refere.


Perspetiva kona-ba aprosimasaun universál ba programa sira, hanesan Bolsa da Mãe, ne'e justu ka lae liuliu informasaun sira. Balu hanoin katak fó assisténsia la presiza haree ba ema-nia estatutu: "ami hanoin katak ida-ne'e justu tanba direitu sira-ne'e la'ós xefe suku nia feen nian ka la'ós, maibé inan isin-rua sira no karik nia isin-rua signifika nia iha direitu atu simu ida-ne'e" (FGD 2, Maliana, Novembru 2022), enkuantu sira seluk argumenta katak "ita tenke identifika ema ka família ne'ebé moris ho kondisaun ladun dí'ak, la'ós fó ba hotu-hotu" (FGD 1, Maliana, Novembru 2022).

Respondente barak mensiona kritériu ida saláriu hosi valór USD500 hanesan pontu limite atu simu assisténsia ka lae, ezemplu:

"Ema sira-ne'ebé nia saláriu liu USD500 labele hetan subsidiu ida-ne'e no la hanesan ho ema sira ne'ebé sira-nia saláriu minus hosi USD500 ka laiha servisu, ita bele dehan katak sira laiha servisu iha direitu tomak atu hetan."

(FGD 3, Maliana, Novembru 2022)

FIGURA 4: REZULTADU HOSI DEKLARASAUN 'KARIK EMA BELE SERVISU, ENTAUN LA PRESIZA HETAN AJUDA'



Kritériu ida-ne'e possibilidade bazeia ba kritériu sira-ne'ebé uza ona ba pagamentu umakain nian ho valór USD200 durante Covid-19, umakain hotu-hotu ne'ebé hetan saláriu USD500 ka menus simu hotu.⁴ Política ida-ne'e la temi hanesan parte ida hosi ami-nia estudu, maibé loos duni ida-ne'e iha influénsia kontinua – hatudu katak dezeńu polítika bele forma persepsaun iha populasaun nia leet. Maibé, grupu foin-sa'e sira diskute kritériu ida-ne'e, argumenta katak:

“Karik ita identifika ema tuir tabela saláriu ne'e tratamentu la justu tanba sira mós sidadaun, kona- ba saláriu USD500 ne'e la'ós sira-nia hakarak maibé tanba sira-nia nivel edukasaun ne'ebé halo sira hetan saláriu ne'e”, rekoñese katak saláriu USD500 fulan-fulan iha possibilidade la suficiente ba familia boot ida no husu karik ema ne'ebé la simu assisténsia governu nian ne'e sidadaun nasaun ida-ne'e nian ka lae?”

(FGD 1, Dili, Novembru 2022)

Partisipante sira iha diskusaun grupu foin-sa'e nian iha Dili afirma katak sidadaun sira tenki asesu hanesan ba fundu governu nian bazeia ba sira-nia sidadania, duké sira-nia rendimentu.

Rekoñese katak ema bele servisu no sei kiak nafatin hatudu katak iha Timor-Leste abilidade atu servisu la'ós determinasaun prinsipál ba merese, maski nune'e nivel rendimentu mak hola papél. Ida-ne'e la hanesan ho kontestu nasaun sira seluk, ema sira-ne'ebé bele servisu konsidera hanesan 'ema kiak ne'ebé la merese' no laiha mós direitu atu hetan assisténsia sosiál governu nian, ezemplu iha Zambia, ka simu transferénsia kondisionál ho sansaun sira-ne'ebé aplika, hanesan iha Filipina (van Oorschot, 2000; Pruce, 2022; Kidd et al., 2020).



4 [Government initiates payment of monetary support to households in the context of the COVID-19 pandemic « Government of Timor-Leste](#)

PREFERÉNSIA ALOKASAUN

Bazeia ba atividade alokasaun ne'ebé hala'ó ho comunidade sanulu-resin-haat iha Bobonaro, Baucau no Dili, preferénsia alokasaun hosi respondente sira jeralmente aliña besik ho eskema asisténsia sosiál ne'ebé eziste iha Timor-Leste. Respondente sira aloka montante aas liu ba feto isin-rua mesak (laiha laen), ema ho defisiénsia (mesak) no ferik-katuas sira iha ronde dahuluk no daruak (haree Figura 4). Respondente sira-nia montante alokasaun ne'e atu hanesan ka aas liu montante atuál ne'ebé sira simu liuhosi programa governu idaidak.

Ida-ne'e hatudu apoiu ne'ebé luan entre respondente sira ba aprosimsaun governu nian ba protesau sosiál to'ó pontu determinante. Categoria veteranu nian mak lae (veteranu 'mesak', veteranu ho familia no familia hosi veteranu ne'ebé mate ona) ne'ebé simu alokasaun ne'ebé ki'ik liu kompara ho eskema atuál iha fatin peskiza tolu, maski nunee ami presiza trata rezultadu ne'e ho kuidadu tanba ho razaun oiain.

Alokasaun hirak-ne'e bele indika preferénsia ne'ebé hatudu momós entre respondente sira katak sira konsidera veteranu sira ladún

FIGURA 5: REZULTADU ESPERIMENTU BA PREFERÉNSIA ALOKASAUN, RONDE 1 NO 2




merese ka presiza assisténsia governu nian kompara ho kategoria umakain sira seluk. Maibé, dadus kualitativu hosi foku diskusaun grupu nian ilustra kestaun veteranu nian ne'e kompleksu.

Partisipante balun esplika katak sira la aloka kartaun ki'ikoan (token) ba veteranu sira tanba sira simu osan fulan-fulan (FGD 2, Maliana, Novembru 2022; FGD 3, Maliana, Novembru 2022), maski ami esplika ona ho loloos iha kadru esperimentu katak laiha umakain ida mak simu apoiu governu nian no sira hotu iha nivel kiak ne'ebé hanesan. Respondente seluk esplika katak *"maski sira la simu osan, ha'u hanoin katak sira nafatin forte no iha ligasaun ho ema barak no loron ida sira mós sei simu osan"* (FGD 5, Maliana, Novembru 2022). Resposta sira-ne'e demonstra ideia kle'an kona-ba veteranu sira-nia pagamentu ne'ebé kuda metin ona no supozisaun fundamentál ida katak veteranu sira sei hetan apoiu - hosi governu ka liuhosi sira-nia rede/ ligasaun rasik.

Bainhira ami kompara mudansa iha alokasaun hosi Ronde dahuluk ba Ronde daruak, ida ne'ebé partisipante sira ladún iha fleksibilidade atu aloka sira-nia osan (kartaun ki'ikoan) tanba tenke fó prioridade liután, mosu rezultadu ne'ebé interesante. Iha Ronde dahuluk, respondente sira fó kartaun ki'ikoan 20 ne'ebé ho valór USD20 iha kartaun ki'ikoan ida-idak (total iha USD400) hodi aloka ba kategoria umakain 15 ne'ebé diferente (haree Aneksu 2). Iha Ronde daruak, respondente sira nafatin simu total hanesan USD400 atu aloka, maibé tempu ida-ne'e fahe ba kartaun ki'ikoan 5 ne'ebé ho montante diferente (USD200, USD100, USD50, USD30, USD20). Ida-ne'e ezije respondente sira atu fó prioridade liután tanba sira iha kartaun ki'ikoan oituan de'it.

Iha Ronde daruak, foin-sa'e sira (tinan-30 mai kraik) fó oituan de'it ba kategoria umakain veteranu sira-nian (menus entre 76-100%), liuliu veteranu sira ho grupu familia (Figura 5). Ida-ne'e la hanesan tebes ho ema idade liu 30 - ne'ebé hasa'e pagamentu ba familia sira-ne'ebé ho veteranu.

FIGURA 6: MUDANSA IHA ALOKASAUN HOSI RONDE 1 BA RONDE 2 TUIR DISTRIBUISAUN IDADE



Rezultadu ida-ne'e hatudu katak foin-sa'e sira rezistente liu ba ideia pagamentu veteranu sira-nian, inklui aspetu interjerasional ne'ebé veteranu sira-nia oan kontinua simu pagamentu. Partisipante foin-sa'e sira mós hateten katak ida ne'e "la motiva foin-sa'e sira iha nivel akadémiku" (FGD 1, Dili, Novembru 2022) atu haree veteranu sira no sira-nia oan simu pagamentu fulan-fulan ne'ebé aas. Lian foin-sa'e sira bele fó oportunidade atu halo revizaun ba ideia ida-ne'e kuda metin ona, liuliu hanesan dinámika jersaun kontinua muda.

JUSTISA NO EKIDADE

Aleinde dezafiu sira hosi foin-sa'e no ema ho defisiénsia sira, iha mós diskontenti entre veteranu balun ne'ebé hanoin katak veteranu sira-nia eskema ne'e la justu. Liuliu iha área rural sira, veteranu balun hein hela validasaun husi rejistrasaun nian no seidauk simu pagamentu. Respondente ida iha Laga esplika katak nia (feto) "hanoin veteranu idaidak iha ona direitu atu simu osan maibé infelizmente iha veteranu barak mak la asesu ba programa ida-ne'e" (FGD 3a, Laga, Novembru 2022), enkuantu veteranu ida iha Maliana hateten "la justu, tanba ami simu de'it medalla no la simu osan" (FGD 4, Maliana, Novembru 2022).

Benefísiu ne'ebé la hanesan bazeia ba durasaun ka tempu servisu mós kria tensaun entre veteranu sira, ho veteranu balun sente esklui tiha: "Ba veteranu sira ida ne'e mós la justu tanba ema sira-ne'ebé ho [durasau servisu ne'ebé ho tempu badak] hetan de'it apoiu ka osan husi Governu dala ida de'it, maibé veteranu sira-ne'ebé ho [servisu ne'ebé tempu naruk] sira hetan osan kada fulan" (FGD 3b, Laga, Novembru 2022). Veteranu sira rasik bele sai fonte poténsial ida husi dezafiu ba alokasaun fundu atuál nian.

Respondente ferik-katuas sira-nian iha munisípiu rural, sira subliña katak diferença entre montante transferénsia ba grupu diferente ne'e la justu:

"Ba ha'u, pagamentu ba programa ne'e la justu tanba ema ferik-katuas sira hetan USD50, Bolsa da Mãe USD5⁵, ba ha'u governu tenke halo programa idaidak hanesan no justu, programa hotuhotu tenke iha montante hanesan."

(FGD 4b, Laga, Novembru 2022)

"Ami hanoin katak ida-ne'e la justu tanba veteranu sira-nia vensimentu sa'e ona no katuas-ferik sira no mós Bolsa da Mãe nia vensimentu ki'ik no la to'o atu responde ba família nia nesesidade sira"

(FGD 1b, Laga, Novembru 2022)

"Ami hanoin katak orsamentu ba Ferik-katuas sira no Bolsa da Mãe preziza aumenta maibé ba veteranu sira-ne'ebé hetan ona pagamentu ne'ebé aas tenke hatún"

(FGD 2a, Laga, Novembru 2022)

Kombinasaun rezultadu ida-ne'e hatudu katak iha pergunta ne'ebé hamosu ona kona-ba pensaun ba veteranu sira, entre ferik-katuas sira iha área rural no mós entre foin-sa'e sira. Rekoñesimentu kontribuisaun veteranu sira-nian ba nasaun ne'e iha tempu uluk hatudu veteranu sira parte hotuhotu konsidera merese atu hetan asisténsia, maibé iha preokupasaun ekidade kona-ba montante relativu ne'ebé aloka ba grupu oioin. Enkuantu governu aumenta ona montante ba Bolsa da Mãe no subsídiu ba ferik-katuas sira no ema ho defisiénsia sira iha tinan-2022, montante ne'e sei konsidera ki'ik liu - liuliu kompara ho veteranu sira-nia pagamentu.

5 Fulan-fulan USD5 ba labarik ida ne'e montante orijen husi Bolsa da Mãe, ida ne'e hasa'e ona ba USD20 ba labarik ida kada fulan tuir Bolsa da Mãe-Jersaun Foun maibé programa foun ne'e seidauk kobre ba munisípiu hotuhotu

IHA NE'EBÉ MAK MUDANSA BELE MOSU?

Fornese apoiu finanseiru ba veteranu sira kontinua sai hanesan ideia ida ne'ebé forte no lejítimu iha sociedade Timor-Leste. Ida-ne'e bazeia ba povu nia onra no respeito ba veteranu sira, no mós fiar katak veteranu sira hetan ona apoiu ida-ne'e no tanba ne'e labele kestiona sira-nia direitu. Maibé, resposta sira-ne'ebé mai hosi estudu ida-ne'e – liuliu hosi foin-sa'e sira – hatudu katak ideia ida-ne'e bele lakon iha sidadaun sira-nia leet, fó hela oportunidade potenciál hodi halo mudansa ba debate. Maski nune'e, kualkér mudansa polítika sei presiza enkuadra tuir valór no kritériu morál ne'ebé eziste, duké dezafia tomak sira.

Dezafiu hirak ne'ebé hosi grupu eskluidu bele fó espasu no pontu entrada ba debate, liuliu hanesan veteranu balu sente eskluidu tanba planu no implementasaun eskema veteranu atuál nian. Tratamentu la hanesan hosi 'kategoria' veteranu oinoin sira-nian subliña iha literatura ne'ebé eziste (ezemplu Kent no Wallis, 2014), no apoiu tebes rezultadu husi estudu ne'e. Feto sira-ne'e marka ona sai nu'udar inan, la konsidera sira-nia papél iha luta independénsia no konstrusaun pás tuir mai no lori sira ba sistema prosperidade sosiál bazeia ba jéneru (Niner, 2016). Karik mantein pás no estabilidade nu'udar objetivu prinsipál ida hosi pagamentu veteranu nian no eskema assisténsia sosiál hirak seluk, entaun importante tebes atu foti preokupasaun sidadaun sira-nian ho sériu.

Rezultadu hosi estudu ne'e mós hatudu katak foin-sa'e sira iha hanoin ne'ebé la hanesan ho adultu sira. Diferensa ida-ne'e bele sai hanesan fonte potenciál ba mudansa. Foin-sa'e sira sai hanesan demografia importante ida iha Timor-Leste – iha eleisaun parlamentár Timor-Leste nian foin lalais iha pursentu 60% liu hosi votante sira mak foin-sa'e sira ho idade-30 mai kraik. Marjinalizasaun foin-sa'e sira-nian iha sociedade nia leet to'o agora sai hanesan bareira ida ba partisipasaun, liuliu barak mak deside ona atu 'hein to'o sira-nia tempu mai' (ten Brinke, 2018) ba lideransa. Maibé, komentador sira sujere katak tranzisaun jersaun ida iha lideransa polítika sei bele akontese iha período parlamentár tinan-lima nia laran.⁶ Ida-ne'e bele fó espasu ba foin-sa'e sira-nia lian atu hetan importánsia polítika ne'ebé boot liu iha tempu badak nia laran.


Kualkér mudansa polítika sei presiza enkuadra tuir valór no kritériu morál ne'ebé eziste, duké dezafia tomak sira

6 <https://insidestory.org.au/xanana-triumph/>

Persepsaun kona-ba justisa no ekidade ne'ebé identifika ona iha estudu ida-ne'e bele fó baze ida hodi halo fila-fali enkuadramentu redistribuisaun nian, loke diskusaun kona-ba alokasaun. Preferénsia alokasaun respondente sira-nian aliña ho eskema governu nian ne'ebé eziste, maibé iha hanoin la hanesan ne'ebé presiza konsidera mak montante alokasaun justu ba grupu diferente. Veteranu sira simu pagamentu aas ho regulár kompara ho rejime sira seluk, ne'ebé labele kobre nesesidade umakain hotu-hotu nian, liuliu ba labarik sira. Ajustamentu ba montante sira-ne'e bele enkuadra hanesan distribuisaun ida ne'ebé justu liu ba grupu hotu-hotu iha sosiedade, ne'ebe foku ba sidadaun barak mak hetan duké

ema seluk lakon. Ekuantu ida-ne'e la halakon risku poténsial ba estabilidade polítika hodi hamenus pagamentu veteranu nian, maibé ida-ne'e dada atensaun ba mudansa ne'ebé envolve iha desizaun redistributivu sira.

Nesesidade atu hanoin fali kona-ba aprosimasaun atuál ba veteranu sira-nia rejime ne'e urjente liután bainhira hasoru rezerva fiskál tun, ne'ebé sei presiza halo ajustamentu ba despeza governu nian iha kurtu prazu to'o médiu. Karik Fundu Petrolíferu hotu, pagamentu sira bele para derrepente de'it, kria problema barak liu dúke sei iha possibilidade ba jere mudansa ne'e mak ko'alia ho klaru agora.



© Tanushree Rao / unsplash

IMPLIKASAUN

Dokumentu ida-ne'e hamosu isu prinsipal haat ne'ebé relevante ho eskema asisténsia sosial Timor-Leste nian, ne'ebé indika mudansa poténsial iha norma sosial sira-ne'ebé bele fó pontu entrada ba mudansa iha kontestu polítiku nasaun nian.


- **Motivasaun sidadaun nian ho baze fó apoiu ba prestasaun asisténsia nian nu'udar sosial duké instrumentál**, ho besik maioria hosi respondente sira-ne'ebé la konkorda ka la konkorda tebes katak sira hakarak hetan fali buat ruma liuhosi ajuda ema seluk. Relasiona ho asisténsia governu nian, iha espetativa katak benefisiáriu halo kontribuisaun ruma ba sociedade ida ne'e ligasaun direitu ba devér sira. Iha foku ida kona-ba kontribuisaun sosial no koletiva ba dezvoltamentu nasaun nian – entre investimentu iha sira-nia oan ba futuro, ka iha kazu veteranu sira-ne'ebé kontribui ba independénsia nasaun nian iha pasadu – duké hakloot de'it ba kontribuisaun ekonomia.
- **Abilidade atu servisu la'ós determinante prinsipal ba merese**, maski nivel rendimentu hala'ó papél ida. Iha komprensao oinoin ba relasaun ida-ne'e, ho respondente balun rekoñese katak ema bele servisu no sei kiak. Osan USD500 kada fulan ne'e enjerál konsidera hanesan limite rendimentu aas liu ne'ebé ema ida la presiza asisténsia governu nian, maibé respondente foin-sa'e balun kestiona argumentu ida-ne'e katak karik ema ida iha número dependente ne'ebé barak, entaun montante ne'e karik la suficiente atu responde ba sira-nia nesesidade hotu.
- **Respondente sira-nia preferénsia alokasaun aliña tuir ho Timor-Leste nia eskema asisténsia sosial ne'ebé eziste**, ho foku ba inan isin-rua mesak (la iha laen), ema ho defisiénsia no ferik-katuas sira to'o kategoria importante balu. Maski nuné, respondente sira aloka menus ba kategoria veteranu sira duké montante atual ne'ebé sira simu daudaun hosi governu. **Foin-sa'e sira liuliu (tinan-30 mai kraik) ladún fó signifíkante ba kategoria veteranu sira duké ema sira-ne'ebé idade liu 30** bainhira husu atu fó prioridade, hatudu katak espasu balun loke dadaun ba diskusaun kona-ba eskema veteranu nian iha (besik) futuro.
- **Veteranu no la'ós veteranu sira iha preokupasaun kona-ba ekidade. Veteranu balu hanoin katak eskema veteranu nian la justu** – karik tanba nivel benefísiu ne'ebé la hanesan bazeia ba servisu ka seidauk rejistu, maski elejivel. Respondente sira seluk subliña katak diferensa iha montante entre eskema asisténsia sosial ne'ebé diferente ne'e la justu. Ida-ne'e fó espasu atu kestiona alokasaun ne'ebé eziste – la'ós hodi rejeita total eskema veteranu nian, maibé hodi explora oinsá orsamentu protesaaun sosial nian bele aloka hanesan liu-tán ba grupu elejivel hotu.

OPORTUNIDADE BA DIÁLOGU NO DEBATE NIAN

Bazeia ba rezultadu hirak-ne'e, dokumentu ne'e propoin oportunidade potensial tolu atu halo diálogu no argumentu ne'ebé bele loke debate kona-ba ideia política ne'ebé kuda metin ona haktuir ba persepsaun hosi direitu, devér no kontribuisaun ba sosiedade ne'ebé sosial duké ekonomia (puru):

1. **Lian foin-sa'e sira nian:** rezultadu hirak-ne'e hatudu katak foin-sa'e sira rezistente liu ho alokasaun asisténsia ne'ebé la kestiona ba veteranu sira no jerasaun veteranu sira, ne'ebé bele fó oportunidade atu halo revizaun ba ideia sira-ne'ebé kuda metin ona.
2. **Dezafiu ba grupu sira-ne'ebé eskluidu:** respondente balun, liuliu ema ho defisiénsia, argumenta katak sidadaun hotu-hotu iha direitu maibé la'ós ema hotu-hotu bele asesu hanesan ba direitu refere. Iha mós veteranu eskluidu ne'ebé hanoin katak sistema agora ne'e la justu.
3. **Enkuadra fila-fali redistribuisaun bazeia ba persepsaun justisa no ekidade:** mensajen klaru katak ida-ne'e la justu ba veteranu sira hodi simu pagamentu ne'ebé aas ho regulár, enkuantu montante ne'ebé aloka ona ba eskema sira-seluk la suficiente ba kobre nesesidade uma-laran, fó espasu ba hare fila-fali alokasaun ne'ebé eziste.

FIGURA 7: OPORTUNIDADE BA DIÁLOGU NO ARGUMENTU



REFERÉNSIA

Arnold, M. B. (2009). 'Who is My Friend, Who is My Enemy'? Youth and Statebuilding in Timor-Leste. *International Peacekeeping*, 16(3), 379–392. <https://doi.org/10.1080/13533310903036426>

Bexley, A. and Tchailoro, N. R., (2013). 'Consuming Youth: Timorese in the Resistance against Indonesian occupation', *The Asia-Pacific Journal of Anthropology* 14(5), 405–422

Burchi, F., Loewe, M., Malerba, D., and Leininger, J. (2021). 'Disentangling the relationship between social protection and social cohesion: introduction to the special issue', *European Journal of Development Research* 2022, 1-21.

Carpenter, S., Slater, R. and Mallet, R. (2012). *Social Protection and Basic Services in Fragile and Conflict-Affected Situations*. London: Secure Livelihoods Research Programme, Overseas Development Institute.

Christalis, I. and Scott, C. (2005). *Independent Women: The story of women's activism in East Timor*, The Catholic Institute for International Relations: London.

Dale, P., Lepuschuetz, L., & Umapathi, N. (2014). Peace, Prosperity and Safety Nets in Timor-Leste: Competing Priorities or Complementary Investments? *Asia & the Pacific Policy Studies*, 1(2), 287–296. <https://doi.org/10.1002/APP5.25>

Democratic Republic of Timor-Leste (2021). *National Strategy for Social Protection 2021–2030*, Dili.

Department of Foreign Affairs and Trade. (2015). *Strategy for Australia's aid investments in social protection*. www.itsanhonour.gov.au/coat-arms/index.cfm

Distler, W. (2017). Dangerised youth: the politics of security and development in Timor-Leste. *Third World Quarterly*, 40(4), 727–742. <https://doi.org/10.1080/01436597.2017.1401924>

Doraisami, A. (2018). The Timor Leste Petroleum Fund, veterans and white elephants: Fostering intergenerational equity? *Resources Policy*, 58, 250–256. <https://doi.org/10.1016/J.RESOURPOL.2018.05.013>

General Directorate of Statistics (2015), '2015 Population and Housing Census. DGE: Dili, Timor-Leste.

Harrison, G.W. and List, J.A. (2004). 'Field experiments'. *Journal of Economic Literature* 42(4): 1009– 1055.

Idris, I. (2017). *Conflict-sensitive cash transfers: social cohesion*. GSDRC Helpdesk Report, University of Birmingham.

Kent, L., & Kinsella, N. (2014). A Luta Continua (The Struggle Continues). *International Feminist Journal of Politics*, 17(3), 473–494. <https://doi.org/10.1080/14616742.2014.913383>

Kidd S., Nycander, G.A., Tran, A. and Cretney, M. (2020). 'The social contract and the role of universal social security in building trust in government', Act Church of Sweden and Development Pathways: Uppsala, Sidcup and Nairobi.

Lann, T. (2020). Os benefícios da implementação ágil nas intervenções de desenvolvimento da proteção social: uma análise comparativa de implementações de sistemas de informações sobre proteção social no Timor-Leste, Bahamas e Indonésia. *Policy Research Brief*. <https://ideas.repec.org/p/ipc/pbport/66.html>

McLoughlin, C. (2015a). 'When Does Service Delivery Improve the Legitimacy of a Fragile or Conflict-Affected State?', *Governance*, 28(3): 341–356.

McLoughlin, C. (2015b). *Researching state legitimacy: A political approach to a political problem*. DLP Research Paper No. 36, Developmental Leadership Program: Birmingham.

Migdal, J. (2001). *State in Society: Studying how States and Societies Transform and Constitute One Another*. Cambridge: Cambridge University Press.

Niner, S. (2016). 'Effects and affects: women in the post-conflict moment in Timor-Leste: an application of V. Spike Peterson's 'Gendering Insecurities, Informalization and War', in Harcourt, W. (ed.). *The Palgrave Handbook of Gender and Development*, Palgrave MacMillan: London, New York and Shanghai.

Niner, S., Cummins, D., Sahin, S., Mulder, S., and Morrison, E. (2021). 'Women's political participation in post-conflict settings: the case of Timor-Leste', *Asian Studies Review*, 46(2), 293–311.

Organisation for Economic Co-operation and Development (OECD). (2011). *Supporting State-Building in Situations of Conflict and Fragility: Policy Guidance*. OECD: Paris

Pruce, K. (2022). 'The politics of who gets what and why: learning from the targeting of cash transfers', *The European Journal of Development Research*. <https://doi.org/10.1057/s41287-022-00540-2>

República Democrática de Timor-Leste (2011). Timor-Leste Strategic Development Plan 2011–2030. Dili.

Roll, K. (2018). 'Street Level Bureaucrats and Post-conflict Policy-making: Corruption, Correctives, and the Rise of Veterans' Pensions in Timor-Leste', *Civil Wars*, 20:2,262–285,

Rothschild, A. (2017). Victims versus Veterans: Agency, Resistance and Legacies of Timor-Leste's Truth Commission. *International Journal of Transitional Justice*, 11, 443–462. <https://doi.org/10.1093/ijtj/ijx018>

ten Brinke, S. (2018). Citizens by waiting: Timorese young adults between state politics and customary authority. *Citizenship Studies*, 22(8), 882–896. <https://doi.org/10.1080/13621025.2018.1538318>

Van Oorschot, W. (2000). 'Who should get what, and why? On deservingness criteria and the conditionality of solidarity among the public', *Policy & Politics*, 28(1), 33–48.

Wallis, J. (2013). Victors, Villains and Victims: Capitalizing on Memory in Timor-Leste. *Ethnopolitics*, 12(2), 133–160.

World Bank (2018). *The State of Social Safety Nets 2018*. Washington, DC: World Bank. doi:10.1596/978-1-4648-1254-5. License: Creative Commons Attribution CC BY 3.0 IGO

World Bank (2022). *Timor-Leste Economic Report Honoring the Past, Securing the Future*.

ANEKSU 1: KESTIONÁRIU *PRE-TEST*

Halo favór hatan hela pergunta hirak iha kraik. Ba pergunta hirak ne'ebé iha **tabela**, favór tau **marka** ba resposta ida ne'ebé relevante liu ba Ita-Boot. Ba pergunta seluk, halo favór hakerek Ita-Boot nia resposta iha **espasu** ne'ebé prepara ona. Karik Ita-Boot senti la konfortavel atu hatan ba pergunta ruma, Ita-Boot bele hili '**Prefere la hatan**' ka husik **mamuk** de'it.

1. Tinan/idade: _____
2. Jéneru: Mane Feto Seluk Prefere la hatan
3. Estadu sivil: Kaben-na'in Fahe malu Soe malu Mesak Prefere la hatan
4. Totál jerasaun ne'ebé mak hela iha Ita-Boot nia uma: _____
5. Xefi família::: _____
6. Ita-Boot nia oan hamutuk hira (Karik iha): _____
7. Totál dependente seluk, ezemplu oan husi família nian, membru família ne'ebé ho difisiénte ka laiha rendimentu (Karik iha): _____
8. Nivel edukasaun: La eskola E. Primária E. Sekúndaria
E.Politekniku/Diploma Univesidade Prefere la hatan
9. Profisaun: _____
10. Ita-Boot veteranu ida? Sim Lae Prefere la hatan

11. Ita-Boot jersaun veteranu nian? Sim Lae Prefere la hatan

12. Ita-Boot simu pensaun reforma nian husi governu? Sim Lae Prefere la hatan

13. Ita-Boot iha difikuldade ba parte sira tuir mai: Haree Rona Ko'alia
Fíziku Laiha Prefere la hatan

14. Iha resposta tuir mai halo favór hili ida ne'ebé mak tuir liu ho Ita-Boot nia observasaun:

a. Ema hotu-hotu tenki tau matan ba sira-nia an

La konkorda tebes La konkorda Neutrál Konkorda Konkorda tebes

b. Karik ema ne'ebé servisu, sira la presiza ona simu tan tulun ruma

La konkorda tebes La konkorda Neutrál Konkorda Konkorda tebes

c. Ema tenki ajuda sira-nia viziñu karik sira presiza hela

La konkorda tebes La konkorda Neutrál Konkorda Konkorda tebes

d. Governu iha responsabilidade ba sira-nia sidadaun karik sira presiza hela

La konkorda tebes La konkorda Neutrál Konkorda Konkorda tebes

e. Dalabarak ha'u tau ha'u-nia nesesidade dahuluk, duké sira seluk nia nesesidade

La konkorda tebes La konkorda Neutrál Konkorda Konkorda tebes

f. Ha'u gosta atu ajuda ema seluk, karik sira iha nia presiza laran

La konkorda tebes La konkorda Neutrál Konkorda Konkorda tebes

g. Karik ha'u halo buat ruma ba ema seluk, ha'u hakarak hetan fali buat ruma

La konkorda tebes La konkorda Neutrál Konkorda Konkorda tebes

15. Iha resposta tuir mai halo favór hili ida né'ebé mak tuir liu ho Ita-Boot nia observasaun:

a. Iha satisfasaun ho lideransa atuál munisípiu nian

Fraku tebes Fraku Neutrál Forte Forte Tebes

b. Iha fiar ba lideransa atuál munisípiu nian

Fraku tebes Fraku Neutrál Forte Forte Tebes

c. Iha satisfasaun ho atuál lideransa nasional nian

Fraku tebes Fraku Neutrál Forte Forte Tebes

d. Iha fiar ba atuál lideransa nasional nian

Fraku tebes Fraku Neutrál Forte Forte Tebes

16. Iha resposta tuir mai halo favór hili ida né'ebé mak tuir liu ho Ita-Boot nia observasaun:

a. Governante sira halo desizaun justu

La konkorda tebes La konkorda Neutrál Konkorda Konkorda tebes

b. Desizaun governu nian sempre responde ba ha'u nia hakarak sira

La konkorda tebes La konkorda Neutrál Konkorda Konkorda tebes

17. Karik eleisaun akontese iha aban, partidu saida mak Ita-Boot sei vota ba?

Hakerek Ita-Boot nia resposta iha né'e _____ Lahatene Prefere la hatan

Obrigada Wa'in!

ANEKSU 2: INSTRUMENTU BA ESPERIMENTU IHA KAMPU

Ronde

Númeru identifikasaun:
















<p>Inan-aman ho oan</p> 	<p>Aman mesak ho oan</p> 	<p>Inan mesak ho oan</p> 	<p>Inan isin-rua (mesak)</p> 	<p>Parseiru idozu</p> 
<p>Inan isin-rua ho la'en</p> 	<p>Veteranu ho família</p> 	<p>Veteranu (mesak)</p> 	<p>Umakain ho ema ho difisiénsia</p> 	<p>Ema ho difisiénsia</p> 
<p>LGBTQ ho oan</p> 	<p>Avo fetu no Avo mane ho beioan</p> 	<p>Família matebian veteranu</p> 	<p>Umakain ho adultu moras</p> 	<p>Foinsa'e sira mak tau matan ba sira-nia alin</p> 

Image credits: Freepik; Gan Khoon Lay; Studio Het Mes; Amandine Vandesteene; Adrien Coquet



Programa Dezenvolvimentu Lideransa (DLP)

nu'udar peskiza kolaborasaun internasionál ida ne'ebé hetan apoiu husi Governu Australía.

DPL investiga papél importante ne'ebé hala'ó hosi líder, rede servisu no koligasaun sira ba atinji rezultadu dezenvolvimentu nian.

dlprog.org

dlp@contacts.bham.ac.uk

@DLProg

Developmental Leadership Program
International Development Department
College of Social Sciences
University of Birmingham
Birmingham, B15 2TT
United Kingdom

Dezeña | squarebeasts.net



Publikasaun ne'e hetan fundus hosi Governu Australia liu-hosi Department of Foreign Affairs and Trade. Perspektiva hirak ne'ebé fó sai iha publikasaun ne'e perspetiva autor nian mesak no laos perspetiva hosi Governu Australia, Programa Dezenvolvimentu Lideransa ka organizasaun parseria sira-nian.

